

numero 15 poste ultimamente al Monte Novissimo, potessero pagar senza don et senza pena fra certo tempo limitato; ma perchè non fo deliberato dove se avessero ad scuoder, perhò è conveniente deputarli el loco; ma prima *iuxta* il solito instituto del Stato nostro, dar qualche abilità a li debitori predeti ad pagar. Onde:

L'anderà parte: che a li debitori de le antedictae graveze, sia dato anchora tempo per tutto el presente mexe de poter pagar senza don et senza pena; passato el qual tempo siano tasate diele graveze a rason de 60 per cento, persin la Signoria nostra, e mandate a le cantinele de l'officio di governatori nostri de le intrade, dove per 10 zorni subseguenti si debano scuoder cussi taiate senza pena; passato el qual termine, scuodere se debano li debitori predicti *cum* le pene, modi et condition consuete; et siano pagate in danari contadi, et non altramente, et il simile sia observado de tute le altre graveze che *de caetero* serano taiade, et mandate a dicto officio de le cantinele, *videlicet* siano scosse in contadi; et li beni che se venderano per dicto officio, siano de quella validità et firmità che sono quelli che se vendono per l'officio nostro de le Cazude, et siano pagati in denari contadi.

Ultra, perchè a dicto officio de le cantinele se trovano debitori de tanse perse, et de diverse angarie taiate, che ponno pagar con denari acompagnadi per vigor de la parte presa in questo Consiglio a dì 19 Luio proximo passato, et sia conveniente proveder ch'el non segua confusion ne la exation, *ex nunc* sia preso: che tuti li debitori predicti siano mandati a l'officio nostro di le Cazude, dove se scuodeno li altri debitori de questa rason, acciò a l'officio de le cantinele se scuodano tutti denari contadi.

34⁽¹⁾

1513, die XIII Septembris.

Ordine da tener circa le fortification de Trevixo, lassato per lo illustrissimo signor Bartholameo Alviano capitano generale de la Serenissima Signoria de Venecia.

In primis, s'elegano tanti cittadini de la tera che vadano con li commessi del signor governador, et metano li segui uno mio largi da la città a torno a torno; et da quelli indentro, sia facto comandamento a li patroni de la possessione, che per mezo al mese de Octobre futuro, chadauno abia aver cavato da le radici li arbori che sono dentro de dicti segni, et si-

milmente chi averà case debba levar li coppi et legname et spianar le fosse che sono nel terren suo, talmente che dentro dicti confini atorno la terra sia aperta et netta; con ordine che *in futurum* dicti terreni non si abino adoperar per altro che per prati et orti, et per algun tempo non si possa edificar dentro essi confini case nè de muro, nè di legname, nè di paia. Perchè cusi è la mente de la nostra Illustrissima Signoria. Le pietre veramente de le case dentro dicti confini, siano riservate per le fabriche publiche de la terra, excepto quelle de le chiesie che siano de queloro a chi spectano.

La fortification et crescimento che se fa per la terra a Treviso, se deba exequir secondo el disegno dato, et per poterlo mandar a effecto, se ordina che nel cavar le fosse, qual se hano a far large passa 16 trivisani, se buti el tereno mezo dentro per far el teragio passa 6 et alto passa 2, e l'altro mezo se buti de fuora, riservando el labro del fosso per una pertega, a zìò che el tereno non li gravi et fazi ruinar nel fosso; et alzisi el dicto teragio de fora in tutto passa quatro dal fondo de la fossa, computando l'alteza de l'aqua, che ha a crescer pie 6 continuamente per li sustegni se hano a far da la banda de Santi Quaranta, comenzando la porta de San Tomaso fino al bastion di Spiriti. El resto de terreno se spiani retro perdendosi in niente.

Lo cavamento de le fosse, se comparta el mezo al Friul e l'altro mezo al trevisan, et per tutto el mexe de Octubrio proximo ciascheduno abia finito la parte sua, soto pena de haver poi a far la muraglia per quanto capirà dicta parte de lor fosse; et questa pena abbi al tutto execution, senza remissione alcuna.

Stimano tutta la fossa, per quello se ha potuto 34 * mesurar, passa mille octocento.

Per lo murar, se debano prima far li dicti tre revellini in puncta con le lor torre e le sie torre designate in diametro passa 20, a li lochi de le qual in questo mezo se deba far condur le calzine, pietre et arena, a zìò che, subito facto el cavamento, se possino murar, dando a ogni torre e revelino uno protho con tanti murari che bastino, che a me par che ognuna delle sie torre voglia uno protho con 30 murari et manuali 120; li tre revellini veramente uno protho, murari 50, et manuali 200; che in tuto siano murari 330 senza li prothi, et manuali 1320; li quali per mità siano fati per Friul, et per l'altra mità dil trivixano, ma tutti li carrezzi abino a dar el trivixan *solum*.

Tutte le calzine et la mercede de li muratori

(1) La pagina 33 è bianca.